



Udruženje za društvena istraživanja i komunikacije
Ul. Grbavička br. 51, 71 120 Novo Sarajevo, Sarajevo, Bosna i Hercegovina,
Tel: 00 387 (0) 67 110 1583, Web: www.udik.org, E-mail: official.udik@outlook.com

17.11.2013.

Saopštenje/saopćenje nakon mirovne akcije „Odajmo počast žrtvama Vukovara“

Aktivisti Udruženja za društvena istraživanja i komunikacije (UDIK) su 17.11.2013. godine, na Trgu fra Grge Martića, ispred sarajevske Katedrale Presvetog Srca Isusova od 12 do 13 sati, šutnjom obilježili i odali počast žrtvama Vukovara.

S obzirom na genezu rata protiv Bosne i Hercegovine, etničkog čišćenja i genocida, UDIK je svjestan bosanskohercegovačke traume koja se manifestuju i neinformiranošću građana povodom zločina i opsade Vukovara, i iz tog razloga je UDIK zadovoljan mirovnom akcijom *Odajmo počast žrtvama Vukovara*. Akcija se manifestovala kroz solidarnost građana da saznaju što više informacija o zločinu protiv kojeg se svi moramo boriti. Ovoj mirovnoj akciji pridružile su se kao znak podrške, solidarnosti i odgovornosti i aktivistkinje iz Crne Gore kao predstavnice Mreže Žena u crnom.

Nacionalizam ne smije biti prepreka ka osudi zločina, a kozmopolitizam treba biti ona ideja koja će ujediniti sve one koji tragaju za svojim najmilijim. UDIK naglašava da je ovo prva mirovna akcija u gradu Sarajevu nakon 22. godine od pada Vukovara i monstruoznog zločina u Ovčari. Civilni sektor se mora boriti protiv nasilja, zaborava kroz solidarnost i odgovornost u suočavanju sa prošlošću, jer opsada Vukovara je bila tek početak najdugotrajnije opsade u modernoj historiji, opsade grada Sarajeva. Iz tih razloga, UDIK pozdravlja inicijativu građana Sarajeva da je Vukovar dio naše sudbine kao što je i opsada Sarajeva kobna sudbina cijele Evrope.

Udruženje za društvena istraživanja i komunikacije ovom prilikom želi obavijestiti javnost Bosne i Hercegovine da će 18.11.2013. godinedelegacija UDIK-a od 9 aktivista položiti vijenac, sa natpisom *Odajmo počast žrtvama Vukovara*, ubijenim civilnim žrtvama rata na spomeniku u Vukovaru. Vijenac će se položiti oko 13h po protokolu obilježavanja i to nakon polaganja cvijeća predsjednika Republike Hrvatske, gospodina Ive Josipovića.

Još jednom naglašavamo da je ovo prvi čin nakon 22. godine od vukovarske opsade i masakra nad stanovništvom tog grada prvo zvanično odavanje počtu u ime građana BiH, bez obzira na vjersku i nacionalnu pripadnost.

UDIK
KOORDINACIONI ODBOR